

Nag-unang Sinemanang Magasin Sa Binisaya

Bisaya

Mayo 29, 2019

Karon,
Available na sa
National Bookstores
ug Merriam &
Webster Bookstores
Nationwide!

Mga Sugilanon:

Panamilit Ni Stephanie

Ni Lamberio G. Ceballos

Si Gaw Estong

Ni Aproniano F. Miramont

NADINE LUSTRE

Artikulo:

Napulog Lima Ka Toneladang Okra Ang Gihandos Kada Adlaw

Ni Zac B. Sarian

Balak Sa Semana:

Novus Ordo Seclorum

Ni Kenneth Michael M. Baba

MANILA
BULLETIN
PUBLICATION



P25

NADINE LUSTRE ^{UG} CARLO AQUINO,

Nangandoyng Magkauban Pag-usab sa Proyekto

HUMAN sa malamposon nilang panagpares sa pelikulang “Ulan”, nagpahayag sila si Nadine Lustre ug Carlo Aquino nga gusto nilang masundan ang ilang panagpares. Kini aron mahatagan og katagbawan ang ilang mga fans nga makita sila pag-usab diha sa pelikula o sa telebisyon.

Kahinumdoman nga gihugopan sa makisine ug sa ilang fans ang bag-o nilang pelikula nga ubos sa Viva Films, nga gipasalida niadtong Marso 13. Gani, nag-trending pa man sa social media ang official trailer sa gikahinaman nilang romantic film alang sa summer.

Usa ka dakong garbo kang Nadine nga makauban niya pag-usab si Carlo sa usa ka proyekto. Apan dili matago sa iyang mga mata ang iyang kagustohan nga makuha ang oportunidad nga modala sa papel ni Narda sa “Darna”.

Alang kang Nadine, usa kini ka dream project nga dili angay niyang palabyon kon hatagan siya og oportunidad sa ABS-CBN. Usa kini ka dakong hagit aron labi pa niyang kahatagan og kalingawan ang iyang mga suporter.

Gani karon pa lang, nag-viral na ang iyang 2-minute video diin misinggit siya og “Ding, ang bato! DARNA!” Sa pagsulat niini, sobra na sa 100 ka libo ang views ug padayon pang nasabwag sa nagkalainlaing social media platforms.

Sa mga surbe sa mga pilionon nga angay modala sa papel nga “Darna”, ang ngalan ni Nadine maoy kanunayng nanguna sa talaan. Daghan na ganing insider sa showbiz ang mipabor sa dalaga. Usa na niini si Direk Erik Matti nga maoy direktor sa pagsugod sa proyekto.

Sa laing bahin, dako ang pagpasalamat ni Nadine nga siya ang napili nga Best Actress sa bag-o lang natapos

nga 67th FAMAS Gabi ng Parangal. Usa kini ka indikasyon nga nagmabungahon ang iyang mga paningkamot nga maugmad ang iyang pag-arte ug na-appreciate kini sa mga tawo.

Tungod niini, ang bituon ni Nadine padayong misanag apan labi pa kining mosanag kon mahinayon gyod nga siya ang modalang bida sa “Darna”. — **B**



Sa Atong Hapin

NI HIMAYA A. DAGOHY

HIDILYN DIAZ:

GIKATAW-AN ANG ALEGASYON NGA APIL SILA SA DESTABILIZATION PLOT BATOK NI PRESIDENTE DUTERTE

DAKONG pangutana alang kang *ABS-CBN sport reporter* nga si Gretchen Ho kon nganong naapil ang iyang ngalan sa mga *media personality* nga kuno nagplano nga pahugnoon ang gobyerno ni Presidente Rodrigo Duterte. Ilabi na nga bag-o lang siyang naapil sa mga *celebrity* ug personalidad nga giimbitar sa *private dinner* didto sa Malacañang Palace niadtong Mayo 7.

Kay sa *press briefing* ni Presidential Spokesperson Salvador Panelo niadtong Mayo 8 sa buntag, makita ang ngalan ni Gretchen Ho samtang gipasabot niini ang *destabilization matrix*.


“So ano ba talaga? Am I trying to OUST or SUPPORT the government?” maoy komedya ni Gretchen.

Samtang sa laing bahin, na-shock usab si 2018 Olympic silver medalist Hidilyn Diaz sa pagkaapil niya sa *matrix*. Daghan pa kuno siyang pangandoy sa kinabuhi ug alang sa Pilipinas.



“Dami ko pang goals sa life and Pinas para sumali sa ganyang bagay. Na-shock lang ako, na-link ako sa ganyan,” matod sa *weightlifter*.

Wala pay katin-awan kon ang nagbuhat sa imbitasyon sa panihapon sa Malacañang mao usab ang naghimo sa *destabilization matrix* maong nagkalahugay ang ilang mga ngalan. Ug wala pay reaksiyon si Panelo niini.

Kauban sa mga artistang mingtambong sa *appreciation dinner* sila si Richard Gomez, Robin Padilla, Ai-Ai delas Alas, Ruffa Gutierrez, Aiko Melendez, Toni Gonzaga, Mariel Rodriguez, Joseph Marco, ug John Lloyd Cruz. — 

Therese Malvar,

Wa Magdahom nga Pulos Negatibo ang Komento sa Iyang Pagdala sa Papel ni Ariela

NAGTUO si Therese Malvar nga ma-appreciate sa mga tawo ang iyang *acting* apan nahisagmuyo siya. Mas grabe man hinuon ang negatibong komento nga iyang naangkon sa iyang pagdala sa papel ni Ariela sa *afternoon series* nga “Inagaw Na Bituin.”


Nakadawat siyang daghang *bashing* gikan sa mga *viewer* nga nadala sa dagan sa estorya nga ilang gitan-aw.

“At first, nu’ng hindi pa nag-start, sabi ko ‘Kaya ‘yan, ready na ako.’ Pero nu’ng mga first week, tapos ‘yung *bashing* pala, ibang klase din. Sabi ko, ‘Ganito pala ‘yon, as in kahit anong gawin ko, mali para sa ibang mga viewers,’” hinubay ni Therese nga atong nakahinabi atol sa *GMA Artist Center summer photoshoot*.



Sa una, naapektohan siya nga daghang nakatan-aw sa salida ang namersonal na niya. Apan iyang naamgohan nga bisan unsay iyang buhaton, tan-awon gyod sa mga tawo ang iyang kahuyangan ug dili niya ma-satisfy ang tanan. Busa *deadma* na lang siya. *As long as* gihimo niya *artistically* ang *unsa* may gipangayo sa iyang papel.

Hinuon, mapasalamaton usab siya sa mga tawo nga na-appreciate ang iyang pag-arte. Giila siyang Indie Film Actress of the Year sa Laguna Excellence Awards ug napili usab nga Best Supporting Actress sa 17th Gawad Tanglaw Awards alang sa iyang pag-aktang sa pelikulang “School Service.”

Nagalaom ang dalaga nga makasabot ra ang uban kay ang tanan kabahin lang sa iyang papel ug wala siya mamersonal. — 



Adunay tulo ka gatos ka trabahante ang sulod sa processing plant sa Jelfarm.

NASAYOD ba kamo nga adunay usa ka kompaniya sa Dakbayan sa Tarlac ang naghandosan og napulog lima ka toneladang okra paingon sa Japan matag adlaw? Kini mao ang Jelfarm nga anaa mahimutang sa Brgy. San Manuel, Dakbayan sa Tarlac. Ang nagdumala niini mao si Jef Fernandez, 35 anyos nga anak sa nagtukod og patigayon nga pang-eksport og okra sa Japan katloan ka tuig na ang nakalabay. Ang iyang amahan mao si Larry Fernandez nga kausa adunay *colon cancer* apan karon naulian na.

Si Jef usa ka *chef* nga nakatapos og *culinary course* sa California School of Culinary Arts. Maayo ang iyang trabaho isip *chef* sa usa ka dakong hotel kaniadto sa Los Angeles. Apan sa dihang gitakboyan og sakit ang iyang amahan, napugos siya pag-uli aron maoy manganay og dumala sa Jelfarm.



Si Jef Fernandez nga maoy nagdumala sa Jelfarm sa Dakbayan sa Tarlac.

NAPULOG LIMA KA TONELADANG OKRA ANG GIHANDOS KADA ADLAW

Ni ZAC B. SARIAN



Mao kini ang ikatulong taytayan nga magdugtong sa Cordova ug sa Cebu City.

Cebu-Cordova Link Expressway

Ni PRESCIL I. CANETE SR.
Cordova, Cebu

KANIADTONG Marso 2, 2017, duha na ka tuig kapin ang nakalabay sa dihang mibisita si Presidente Rodrigo Roa Duterte sa lungsod sa Cordova lalawigan sa Sugbo, uban kaniya ang pipila ka membro sa iyang gabinete. Untop gayong alas 3 sa hapon ang pag-abot sa Presidente. Gisugat siya sa mga opisyal sa lungsod pinangulohan ni Mayor Teche Sitoy Cho ug ni Secretary Adelino B. Sitoy sa dihang mitugpa ang gisakyan niining *chopper* sa dakong hawan duol sa *roro port* sa lungsod. Kapin sa usa ka libo ka polis ang nagbantay sa presidente. Giseradan ang pipila ka dalan sa lungsod ingon man ang dalan-nasyonal paingon sa Lapulapu City nga walay makaagi nga mga sakyanan pribado man o pangpubliko aron paghatag og seguridad ug kasayon sa agianan sa presidente. Gisugat siya sa bagang duot sa katawhan kay buot mosaksi sa bag-ong

pangulo.

Ang hinungdan sa pagbisita ni Presidente Rody Duterte, siya gayod mismo ang nangunay sa *ground breaking ceremony* niining ikatulong taytayan nga sa pagkaron gisugdan na sa pagtrabaho kaniadtong bulan sa Septiyembre 2018 nga magdugtong sa Cordova, Isla sa Mactan ug sa Cebu *mainland* nga paganganlan unya og Cebu-Cordova Link Expressway.

Kining ikatulong taytayan maoy gituohang solusyon sa nagkagrabeng trapik sa duha ka taytayan— ang Mandaue-Mactan Bridge ug ang Marcelo B. Fernan Bridge. Ang ikatulong taytayan adto manukad kilid sa Ludo sa Ermita, Cebu City ug adto tugpa sa Barangay Pilipog, Cordova, Isla sa Mactan nga moagi sa Shell Island nga adunay gilay-on nga 520 metros lamang ug gikan sa Shell Island paingon sa Pilipog, Cordova adunay gilay-on nga 4 ka kilometro.



Gipanglantawan nga kining ikatulong taytayan maoy makahatag og sulbad sa kahuot sa trapiko sa duha ka taytayan ilabi na paingon sa Mactan-Cebu International Airport nga giisip nga labing *busy* nga *airport* gawas sa Metro Manila. Kon mahuman kining maong proyekto, dili na unya lisod ang pag-adto sa *airport* ilabi na ang gikan sa habagatang bahin sa lalawigan sa Sugbo. Mamenos-menos na unya ang mga sakyanan nga moagi sa duha ka taytayan kada adlaw ug maluag-luagan na ang ginhawa sa mga sumasakay nga kanunayng nag-antos sa kalangay sa biyahe ilabi na ning panahon nga labihang inita.

Ang lungsod sa Cordova 3rd class municipality ug aduna lamay gidak-on nga 740.86 ka ektarya nga gilangkoban sa 13 ka barangay, sakop sa ika-6 nga distrito sa lalawigan sa Sugbo. Adunay populasyon nga sobra sa 60,000 ug adunay rehistradong botante nga 29,150 sa miaging eleksiyon.

Ang maong proyekto ubos sa Joint Venture Agreement sa Metro Pacific Investment Corporation ni Businessman Manny V. Pangilinan. Mogasto ang maong taytayan og P27.4 bilyones. Ang MPIC mokuha og 95 porsento, samtang ang Cordova ug ang Cebu City makabahin og tag 2.5 porsento sa kinatibuk-ang makita sa taytayan.

Gihangop sa mga dagkong negosyante ang maong kalamboan. Gawas niining taytayan, giplanohan sab nga reklemo ang 3,500 ka ektaryang hunasan. Mao ni ang giplastada nga plano sa lungsod sa Cordova. Sa 3,500 ka ektarya, usa ka gatos (100) ka ektarya na lang ang nahabilin nga bakante kay gipanag-iya na sa mga Ayala, SM, Robinson ug Gaisano.

Ug tungod niining maong mga kalamboan, naproblema ang gagmayng mga mananagat kon asa na sila managat sa higayon nga tabonan na og yuta ang hunasan diin anaa sila



Si Presidente Rodrigo Duterte maoy nangunay sa ground breaking ceremony.

Novus Ordo Seclorum

ibutang ta lang nga anaa kita sa bakikaw nga kalibotan, sama pananglit ang Adlaw dili init, kay kini maoy pundoohan sa ulan ang panganod – mga gapnod nga milimin kanato sa tibuok bahin, ang guha nga Bulan gisang-at uban sa itom nga mga bituon diha sa naggilak-gilak nga wanang, ang prutas mamunga og kahoy, mainom ug mahilam-os nato ang huyuhoy, ang Lawod: uga ug ang mga mananap sa hunasan anaa nahipalgi sa lasang tampi sa sapa kansang bul-og paingon sa bungtod, ang mga iring ug iro gipanugkan og pako ug sila nanagtambo sa mga langgam nga nagpaghot sa nataran diin ang mga balili nagtubo ug nanglunhaw pailawom, ang mga hulmigas nanlipagha ang mga tiil sa pinaakan sa mga elepante, bangis ang karnerong migukod sa buwitre, dinhi itanom ta ang rosas nga magtuwad, ang mga butakal paingon sa pagka baktin, walay kaluoy ang Diyos ug tanang nanimba matuod nga santos, ang takna pabalik ngadto sa pirmerong paglalang ug niining kalibotana, ikaw ang nagpangga kanako.

KENNETH MICHAEL M. BABA
Dakbayan sa Talisay



(Si KMMB kasamtangang nagtungha sa University of the Philippines - Cebu sa kursong BA in Political Science. Sakop sab siya sa Hablon ug TINTA, ang katitikanong organisasyon sa UP-Cebu . Nahilakip siya sa 2018 Cebu Young Writers' Studio, 2nd Bathalad-Kagis Creative Writers' Workshop, ug Tagik-Landasan Writing Workshop. Ubay-ubay na siyag mga artikulo, balak ug sugilanon nga napatik sa Bisaya Magasin. Kining maong balak isipong basehan sa pagapilong "Labing Masaarong Bag-ong Magsusulat sa Bisaya sa Tuig 2019".)


Sa Sunod Gula

Balak kawsa




sa paghangad niya sa langit alang sa paghalad / sa katagbawan sa iyang mga nahimo, / nakita niyang nagsakay sa panganod / ang usa ka panon sa mga maya / nga nagsabwag-uli og mga liso—

Sugilanon Ang Tawo Nga May Liboan
Ka Ngalan



Nasaag siya sa kalasangan sa mga ngalan...

Sugilanon Ang Rapol



Aron masulbad ang kadukirok, adunay pamaagi nga nadiskobrehan...